

四庫全書

史部

欽定四庫全書

欽定續通志卷一百七十七

昆蟲草木畧

四

果類

梅

說文  
作楪

一名蓀實似杏微甘酸可啖周禮饋食之籩其

實乾蓀註乾蓀梅也夏小正五月煮梅為豆實其類不

一范成大梅譜有江梅消梅綠萼梅杏梅鴛鴦梅諸名

烏梅白梅可入藥又有棚梅出均州太和山相傳真武

折梅枝插於榭樹而生者榭乃榆樹也後魏賈思勰齊民要術云梅實赤於杏而酸可生啖煮而曝乾為腊置羹臠中又可含以香口亦蜜藏而食

臣等謹按鄭志載梅之類一引爾雅梅柎一引時英梅柎屬大木又別一種時英梅類而實小名雀梅不足以盡梅類明矣今增補

杏一名甜梅夏小正云四月囿有見杏管子云五沃之土木宜杏杏實形如彈丸其種多黃而圓者曰金杏深

赭色核大而扁一名漢帝杏謂武帝上林苑遺種也大  
如梨黃如橘出濟南味最勝其扁而色青黃者曰木杏  
味酢不及金杏又有白杏色青白或微黃味甘淡而不  
酢黃而酢者為梅杏青而黃者為柰杏甘而有沙者為  
沙杏山杏最下惟用其仁又有赤杏黃杏蓬萊杏之名  
其巴旦杏一名八擔杏又名忽鹿麻出回地樹如杏而  
葉差小實尖肉薄其核如梅其仁甘美味如榛子

李

古文  
作籽

一名嘉慶子

唐韋述兩京記云東都嘉慶坊有美李人稱為嘉慶子

管子

曰五沃之土宜梅李其類有綠李紫李牛心李馬肝李木李柰李杏李水李均亭李諸名梵書名李曰居陵迦齊民要術云李性耐久樹得三十年雖枝枯子亦不細

臣等謹按鄭志列李之類本爾雅所載無實李麥

李赤李及陶隱居所云南居李此外有綠李以下

諸名今增補

桃實甘子繁性熱不宜多食於六果為下夏小正六月  
黃桃拖桃也拖桃山桃也黃以為豆實周禮以為饋食

之蔓蓋古人所食惟此桃也其類甚多味甘美出洛中者曰崑崙桃子可食而性熱者新羅桃色黃多蠹用梯接者金桃色青肉白者銀桃結實雙者鴛鴦桃肉不黏核皮澤如李者李桃亦曰光桃又有扁挑方挑水蜜桃諸名又洋州雲臺山生獼猴桃甚甘酸食之止渴見海錄碎事齊民要術云桃性皮急四年以上宜以刀豎剝其皮

臣等謹按鄭志載桃之類引爾雅冬桃及山桃二

種山桃酸苦味惡仁可入藥冬桃又名十月桃至  
冬乃熟餘桃無聞今增補

棗一名木蜜南北皆有生於青齊晉絳者佳齊民要術  
云旱澇之地不任稼穡者種棗則任矣周禮饋食之籩  
其實棗栗元柳貫棗譜有棣棗紅棗紫紋棗香棗圓愛  
棗火棗三寸棗金槌棗鳳眼棗凍棗沙棗嶂嶸棗諸名  
不可枚舉夏小正云八月剥棗齊民要術云棗實全赤  
即收摭而落之為上史記貨殖傳安邑千樹棗

臣等謹按鄭志載棗類甚詳悉本爾雅此外如元柳貫棗譜所收名亦不一今增補

栗

說文作栗

木高二三丈葉類櫟長條似核桃房有刺如橐

大者若拳小者若桃李陸璣詩疏云栗五方皆有周秦吳揚特饒惟濮陽及范陽生者甚美味長他方不及其樹之大者曰板栗錐栗又有似板栗而細如橡子者曰茅栗即爾雅所謂栝栗也一名栲栗其頂圓末尖出湖北者為旋栗叢生實大如杏出桂陽者為苹栗西京雜



記有上苑栗四侯栗榛栗瑰栗嶧陽栗客燕雜記復有  
霜前栗盤古栗鷹爪栗之名又天師栗似栗而美房若  
橡西蜀青城山中有之宋祁益部方物畧云張天師學  
道於此所遺故名夏小正云八月栗零零而後取之故  
不言剥也齊民要術云栗種而不栽史記貨殖傳云燕  
秦千樹栗

臣等謹按鄭志木類云橡實之類極多大體皆栗  
屬也可食有似栗而圓者大小有三四種周禮籩

人所謂榛實是也二三實作一椽正似栗而小者  
大小有三四種爾雅所謂樹柶是也注云子如細  
栗鄭志栗類祇載樹柶餘栗未詳今增入此

楨

與祖同

一名木桃一名和圓子

李時珍曰木瓜酸香而性脆木桃酢澀而多渣

故謂之楨雷公炮灸論和圓子即此

似楹棹色微黃蒂核皆麤核中子小

圓農書云楨似小梨西川唐鄧間多種之味劣於梨與  
木瓜同入蜜煮湯則香美過之莊子云楨梨橘柚皆可  
於口淮南子云樹楨梨橘食之則美嗅之則香皆指此

臣等謹按鄭志云木瓜短小者謂之楨楨楨楨乃木李埤雅謂之木梨生於吳越非楨也鄭志以楨楨為禮記之楨黎誤矣因識此以正之

山楨一名杙

音求

子一名繫

音計

梅一名棠掾子一名赤瓜

子一名茅楨一名羊掾子爾雅云杙繫梅狀似梅子如指頭赤色似小奈可食見郭璞註生高原有二種小者高數尺多枝柯葉有五尖極間有刺其華白其核狀如牽牛子大者樹高大餘花葉同而實大經霜乃赤

椹棗

音温  
李

似椹子而小氣香辟衣蠹樹如林檎花白綠

色味甘多毛食之宜去淨出關陝沙苑者佳

梨一名快果一名果宗一名玉乳北地皆有之南方惟宣城為勝有乳梨鶯梨之名其餘水梨紫梨赤梨青梨茅梨品類甚多不可枚舉梨樹必棠梨桑樹接者其結實早而佳

臣等謹按鄭志載梨之類一引爾雅椹羅即鹿梨

也一引山檇一引甘棠甘棠即杜梨別一種梨類

未詳今增補

沙棠狀如棠黃花赤實其味如李而無核見山海經今  
嶺外寧鄉瀧水羅浮山中皆有之呂氏春秋云果之美  
者沙棠之實西京雜記云上林苑有沙棠其木長千尋  
細枝為舟猶長十丈

梯

側里切俗作梯  
爾雅翼作梯

赤實也有黃赤青三種有牛梯鴻梯

山梯湖畔梯諸名南劍尤溪梯處州松陽梯為最禮記  
云棗栗榛梯齊民要術云梯有小者栽之無則取枝於

槲棗根上插之梯有七絕一壽二多陰三無鳥巢四無  
蟲蠹五霜葉可玩六佳實可啖七落葉肥大可以臨書  
見爾雅翼

臣等謹按鄭志載梯祇云烏者謂之桺桺即漆梯  
也亦名青桺梯類未詳今增補

輒梯一名槲棗一名擣

音

棗一名牛嬭

女蟹切  
乳也

梯一名

丁香梯一名紅藍棗一名君遷子生海南樹高丈餘子  
中有汁如乳甘美吳都賦平仲君遷

柰樹似林檎而實稍大味酸微澀性寒有青赤白三種  
皆夏熟西京雜記上林苑柰三白紫綠又有紫柰大如  
斗甘如蜜核紫花青見洞冥記梵人謂之頻婆

林檎一名來禽一名文林郎果一名蜜果一名冷金丹  
似柰小而差圓其味酢者為楸子生渤海間多以柰樹  
寄接有甘酸二種有金紅水蜜黑五色

柑一名瑞聖奴樹似橘少刺實圓大霜後始熟味甘比  
橘稍厚理稍麤而不苦有温州乳柑洞庭柑海紅柑生

枝柑平蒂柑之名又有名佛手柑者一名飛穰木似朱  
欒枝間有刺其實如人手有指皮如橙柚厚皺光澤熟  
黃色其味雖不甚佳而清香不散香櫞本名枸櫞柑橘  
之屬大似小瓜皮若橙肉厚白如菜菔置衣笥中經旬  
猶香晉太康五年大秦貢十缶帝以三缶賜王愷助其  
珍味即此上林賦云黃柑橙榛

臣等謹按香櫞與佛手柑異種本草指枸櫞為佛  
手柑非是鄭志枸櫞已見果類因辨正故再著之



橘一名木奴樹高丈許枝多刺生莖間實如柚而小其  
大者如盃味甘微酸其類有密橘黃橘綠橘朱橘塌橘  
包橘綿橘沙橘凍橘早黃橘穿心橘荔枝橘乳橘油橘  
自然橘諸名蘇臺荊州閩廣皆有之而出温州者為上  
史記貨殖傳蜀漢江陵千樹橘張衡南都賦穰橙節橘  
臣等謹按橘柚柑橙俱見鄭志柑橘之種未詳今  
增補

金橘一名金柑一名夏橘一名山橘一名給客橙一名

小木奴樹如橘不甚高大秋實冬熟大者徑寸小者如指頭形長皮堅肌理細潤味酸甘而芳香生吳越江浙

川廣間

金豆一名山金柑一名山金橘比金柑更小生山徑間實多味酸不可食

枇杷樹高大餘肥枝長葉大如驢耳形似琵琶故名秋萌冬花春實夏熟大者如雞子小者如龍眼味甘而酢白者為上黃者次之相如上林賦枇杷檉梯周禮場人

樹果茲珍異之物註云珍異葡萄枇杷之屬

楊梅一名杔

音求

子樹若荔枝葉細青如龍眼及紫瑞香

冬月不凋實形如楮肉在核上無皮殼有白紅紫三色  
生江南嶺南山谷間會稽產者為冠

平仲一名榭

音平

一名火索木一名五精食其子得為仙

相如上林賦華楓榭櫨晉左思吳都賦平仲之木實白  
如銀

山櫻桃一名朱桃一名麥櫻一名英豆一名李挑樹如

朱櫻而葉尖長不圍子尖小味惡不可食

蘋果樹似林檎而大果如梨而圓滑光潔可愛玩香聞數步味甘鬆梵人亦謂之頻婆果

銀杏一名白果一名鴨脚子樹高二三丈或大至連抱可作棟樑葉薄縱理儼如鴨掌花開旋落人罕見之一枝子百十狀如小杏經霜乃熟爛去皮肉取核為果其核尖中圓而微扁其仁色綠久則黃其樹耐久生江南以宣城為盛宋初始入貢歐陽修詩云絳囊初入貢銀

杏貴中州即此果也

核桃樹高丈許春初生葉長三寸兩兩相對花如粟花  
穗蒼黃色實如青桃漚爛皮肉取核內仁為果北方多  
種之張騫使西域還得此見博物志梵書名播時羅又  
有名山核桃者底平如檳榔皮厚而堅多肉少仁出南  
方有名蔓核桃者出南詔大如扁螺兩隔味如核桃或  
言蠻中藤子也

石榴出安石國漢張騫出使西域得塗林安石國榴種

以歸故名齊民要術云置僵石枯骨於根下則科圓滋  
茂又一種山石榴形類榴而絕小不作房生青齊間用  
蜜漬以當果甚美

臣等謹按鄭志誤以爾雅劉棧為石榴郭註劉子  
生山中實如梨酢核堅出交趾別是一種因附  
後

劉子樹生交廣武平興古諸州山中結實如梨色黃味  
甘酢核甚堅見荆揚異物志

山龍眼出廣州色青肉如龍眼而味酸見范成大桂海

虞衡志

龍荔狀如小荔枝而肉味似龍眼故名龍荔亦見虞衡志

檳榔一名賓門尖長有紫文者為檳圓而矮者為榔又名螺果一名仁頻高十餘丈皮似青桐節如桂竹葉似甘蕉實大如桃李以扶留藤古賁灰并食則滑美

椰子一名胥餘

司馬相如上林賦作胥餘一作胥邪

狀若海椽實大如椀

外有麤皮如大腹子豆蔻之類內有漿飲之不醉見劉  
欣期交州記

榷實一名披

彼音

子一名赤果一名玉榷一名玉山果生

永昌土人呼為野杉木柏形松理細輒可為器用實如  
棗核大如檝欖無稜一樹不下數十斛爾雅云披音杉

即此宋梅堯臣詩榷樹移皆活風霜不變青

餘甘子二廣諸郡閩之泉州及西川戎瀘蠻界山谷皆  
有之南方草木狀云花黃實似李青黃色核圓作六七



稜食之先苦後甘梵書謂之菴摩勒晉左思吳都賦其實則丹橘餘甘

臣等謹按檳榔椰子榷實餘甘鄭志已載木類今移入此

甘瓜一名甜瓜一名果瓜

農書云供果者為果瓜以別於菜瓜也在木曰果在地曰

菴爾雅云瓠<sub>音</sub>瓠其紹瓠埤雅云瓜之繼本為紹今驗

近地之瓜常小末則復大故曰其紹瓠也北土中州種蒔甚多有青綠黃斑糝斑白路黃路諸名廣志惟以遼

東燉煌廬江之瓜為勝然瓜州之大瓜陽城之御瓜西  
蜀之溫瓜永嘉之寒瓜未可以優劣論也甘肅甜瓜皮  
瓤皆甘勝飴蜜其皮曝乾柔韌甘美浙中陰瓜種宜陰  
處秋熟色黃如金藏至春食之如新凡瓜大曰瓜小曰  
瓠子曰瓠音肉曰瓠音跗曰環蒂曰窳其畏麝諸瓜皆

同

西瓜一名寒瓜蔓生花如甘瓜葉大多紐缺其色青綠  
其穰或白或黃或紅紅者味勝舊傳來自西域故名五

代邵陽令胡嶠於回紇得瓜種以牛糞種之結實大如  
斗味甘名曰西瓜見楊慎丹鉛總錄

北瓜形如西瓜而小皮薄色白穰紅子亦如西瓜微小  
狹長味甘美

臣等謹按鄭志蔬類止載白冬瓜各種未詳今補  
入於此

芋薺一名地栗種淺水七修類藁云芋薺淹銅過夜即  
爛

慈姑

李時珍曰一根歲生十二子如慈姑之乳諸子故名

生水田中葉有極狀如

澤瀉其根黃似芋而小煮之可啖

臣

等謹按李時珍云慈姑與烏芋是二種慈姑有

葉根散生烏芋有莖無葉根下生氣味不同其說

是矣陶弘景蘇恭因鳧茨慈姑字音相近遂合為

一考爾雅釋草文芍鳧茨

音庇

鄭志未指何物蓋即

慈姑也烏芋則以為河鳧茨鄭志固別為二特訛

此為茨耳今特著之

落花生出閩廣藤生花落地而結實故名

波羅蜜生交趾諸國今嶺南滇南亦有之樹類冬青而黑潤倍之冬夏不凋不花而實出於枝間大如冬瓜外有厚皮裹之若栗殼內肉層疊如橘囊食之味甘美如蜜果中之大者

無花果一名映日果樹長丈餘枝葉繁茂有極如葳麻無花而實色赤類柝梯味亦如之見段成式酉陽雜俎廣中謂之優曇鉢波斯謂之阿駟

文光果出景州形如無花果肉味如栗

天仙果樹高八九尺葉似荔枝而小無花而實子如櫻桃纍纍綴枝間其味至甘

波斯棗一名無漏子一名海棗一名金果一名海棧一名鳳尾蕉生波斯國狀如棗樹若栗其實若橡子有三角

青田核出烏孫國狀如核桃大如斗剖之盛水則變酒味甚醇美謂之青田酒漢末蜀王劉璋得之見崔豹古

今注

木威子生嶺南山谷樹高丈餘葉似楝子如橄欖而堅亦似棗削去皮可為粽食見陳藏器本草拾遺

五飯子大如木瓜皮黃肉脆軟味極酸上有五稜如刻出南人呼稜為飯故以為名以蜜漬之甘酢而美出南海見稽含南方本草狀

古度子出交廣諸州樹葉如栗不花而實枝間生子如石榴及櫛子而色赤味酢煮以為粽食

海紅豆樹高二三丈宋祁益部方物畧云結莢枝間其子纍纍珠綴若大紅豆而扁紅皮肉白以似得名蜀人用為果釘

蒲頰子一名盧都子一名雀兒酥一名半含春一名黃婆嫻樹高丈餘葉不凋冬花春熟小兒食之當果又有一種冬凋春實夏熟人呼為木半夏亦曰野櫻桃

無食子一名沒石子沒一作墨一名麻茶澤樹高七八丈圍

八九尺子圓如彈丸酉陽雜俎云其樹一年生無食子



一年生拔屨子長三寸中仁如栗黃可噉

探

音塘

子南越丹陽諸郡山中皆有之其實如栗冬熟味

酢見荆揚異物志左思吳都賦探榴禦霜是也

無名子生嶺南山谷其實狀如榛子波斯呼為阿月渾子

繫彌子狀圓而細赤如軟棗其味初苦後甘可食見郭義恭廣志

千歲子出交趾蔓生子在根下鬚綠色交加如織子一

包二百餘顆殼中有肉如粟味亦如之見南方草木狀  
夫編子樹野生花連著實入雞魚鴨羹中味美亦可鹽

藏見南州記

簡子藤生綠樹實如梨赤如雞冠核如魚鱗生食味淡  
見齊民要術

山棗出廣西肇慶府葉如梅果似荔枝可食見寰宇記  
隈支生邛州山谷中樹高丈餘枝條而弱實大若雀卵  
狀似荔枝肉黃膚甘見宋祁益部方物畧

楊搖子樹有七脊子生樹皮中色青黃味甘見沈瑩臨  
海異物志

欽定續通志卷一百七十七

欽定四庫全書

欽定續通志卷一百七十八

昆蟲草木畧五

蟲類

臣等謹按鄭志合蟲魚為一部爾雅釋蟲釋魚各為一篇今謹依爾雅之例分為二部云

永嘉八輩蠶一曰蛭珍蠶三月績二曰柘蠶四月初績  
三曰紈蠶四月末績四月愛珍五月績五曰愛蠶六月

末績六曰寒珍七月末績七曰四出蠶九月初績八曰  
寒蠶十月績凡蠶再熟者皆曰珍珍子為愛左思吳都  
賦鄉貢八蠶之綿即此又蠶襪一名馬明退一名佛退  
凡蠶獨自成繭曰獨繭二三以上曰同功繭其內潰而  
潰濕者曰陰繭繭外蒙戎之衣曰繭黃蠶蛹一名赬蠶  
蛾一名羅見爾雅

蜉一名蝸何見爾雅譚埽雕蟲賦注以為即蠶蛹之別  
名

楓蠶一名絲蟲出橫州楓葉始生有蟲食葉如蠶赤黑  
色四月吐絲光明如琴弦海濱人取作釣緇

石蠶一名石蠹蠶一名石下新婦今伊洛間水底石下  
有之狀如蠶解放絲連綴小石如繭春夏羽化作小蛾  
水上飛

海蠶生南海山石間狀如蠶大如拇指

雪蠶一名雪蛆生陰山以北及峨嵋山大如瓠味極甘  
美癸辛雜志謂之冰蛆又江隣幾雜志云四川萬山深

中出出雪蛆如小豬無口足眼鼻儼如蛆形其身全脂  
切片而食此尤雪蛆之異者也

穿木蜂黑色在人家簷椽穿穴如刀錐所鑽能螫人

竹蜂一名留師

方言注  
作笛師

蜂大如小指正黑色穴竹為巢

蜜如稠糖酸甜可食俗呼鑽竹蜂

竹蜜蜂好於野竹上結窠大如鷄卵有帶長尺許窠與  
蜜並紺色可愛甘倍於常蜜

赤翅蜂出嶺南狀如土蜂大如螳螂穿土為房食蜘蛛

烙蜂出巴中在寨鼻蛇穴內其毒倍常唐元稹詩云巴蛇蟠窟穴穴下有巢蜂即此

獨脚蜂出嶺南似小蜂黑色一足連樹根不得去不能動搖物類相感志名獨足蟲

火蜂其狀如蠶見五侯鯖

蠓蜂附橄欖樹而生雖有首足與木葉無異人取之者先伐樹仆候葉凋而自見

折腰蜂南蠻記云出寧州沙中岸頽則蜂出土人燒治



以為琥珀

蚘一名烏蠋見爾雅郭璞注曰大蟲如指似蠶詩蝟蝟者蠋毛傳云桑蟲也李時珍曰烏蠋亦有五色者老則作繭化蛾孚子諸草木上皆有之在枸杞上者名枸杞蟲入藥廣志云藿蠋香槐蠋臭

蠶一名杜伯一名蠶一名蠹見廣雅常為蝸牛所食以迹規之不能去人以氣呵之亦不能動通俗文曰長尾為蠶短尾為蠹本草云蠹緊小者名蚘蚘酉陽雜俎曰

江南舊無蠍開元初有主簿以竹筒盛過江至今往往有之為土氣所蒸不能螫人南人不識呼為主簿蟲草蛭在深山草中人行即著脛股不覺入於肉中產育為害石蛭生石上泥蛭生泥中二蛭誤食之令人眼中如烟漸致枯損

臣等謹案鄭志止載水蛭一條而未及草蛭石蛭泥蛭諸名今補輯

蠅一名羊見方言有數種蒼者名蒼蠅聲雄壯負金者

聲清聒青者名青蠅善敗物巨者頭赤如火號為景跡大而斑色者名大麻蠅茅根所化

蠅虎一名蠅狐一名蠅蝗一名蠅豹形似蜘蛛而色灰白善捕蠅

狗蠅赤色似蒼蠅而扁冬藏狗耳中

蠹類甚繁桑蠹去氣桃蠹治鬼柳蠹治瘕血柘蠹破血棗蠹及茶蛀蟲治聾耳出汗蘆蠹治小兒飲乳後吐逆蒼耳蠹一名麻蟲治疔腫惡毒青蒿蠹治驚風皂莢蠹

治蠅入人耳又有橘蠹大如小指首負特角桐蠹可入藥

桂蠹形如新生小鼠產於桂樹偷食蜂蜜人以入口即化為蜜甘香甚奇漢書南越王趙陀獻桂蠹一器大業拾遺錄隋時始安獻桂蠹四瓶以蜜漬之皆指此

竹蠹生竹中狀如小蠶老則化為蛾淮南萬畢術云竹蟲飲人自言其誠高誘注云以竹蟲三枚竹黃十枚和勻每用一大豆許燒入酒中令人飲之勿至大醉叩問

其事必得其誠李時珍以為即此竹蠹也

蛭有二種一曰娘蛭一曰塘蛭見爾雅夏小正傳曰娘蛭者五彩具塘蛭者蠲也皆五月鳴郭璞曰塘蛭俗呼

蟬江南謂之塘蛭

蛭埤雅作蛭

臣等謹按方言曰蟬謂之蛭宋衛之間謂之塘蛭陳鄭之間謂之娘蛭鄭志取之考夏小正及爾雅則塘蛭娘蛭分明二物又案毛傳云蛭蟬也塘蛭也據此則塘蛭又為二物矣故別出之

蝥一名虎懸

虎一作罕

四月鳴見夏小正一名蜻蜻見爾雅

郭璞注曰如蟬而小方言云有文者謂之螻

臣等謹案方言云蟬小者謂之麥札有文者謂之

蜻蜻

與郭注所引異

考爾雅札即蜻蜻方言分為二物誤

也又鄭志云五月以前鳴者則正謂之蛸考五月

以前鳴者惟有蝥不名蛸則鄭志亦非也今並正

之

蝥一名茅蛸見爾雅郭璞注曰江東呼為茅截似蟬而

小青色方言曰蝻蝻謂之茅蝻

茅蝻分青紅二種在茅管中亦五月時鳴

蝻一名寒蝻見爾雅郭璞注曰寒蝻也似蟬而小青色

月令曰寒蟬鳴

蜺蛛一名蜺蜺見爾雅郭璞注曰即蜺蝻一名螻蛄方

言曰秦謂之蜺蚘自關而東謂之蚘蝻

音貂

陶弘景曰

螻蛄小紫青色四五月鳴

臣等謹按莊子云螻蛄不知春秋而離騷云螻蛄

鳴兮啾啾歲暮兮不自聊故陶弘景以離騷為誤

而鄭志云螻蛄乃是寒蠶則又與陶說異考郭璞注螻蛄乃蜉蝣異名寒蠶乃寒蜩別號風土記曰螻蛄鳴於朝寒蠶鳴於夕則寒蠶螻蛄為兩物明矣鄭志牽合為一殊誤今正之

金龜子大如小指甲俗呼紅娘南人採之棄以金翠為首飾之物

蠱一名蠱蠅一名盲蠅有數種木蠱最大而綠色如蜩蟬一名魂常一名玉蠱一種蜚蠱狀如蜜蜂黑色又一



種小蟲名鹿蟲大如蠅皆能啖牛馬血

臣等謹案晉語云蠹蠶之既多韋昭注云大曰蠹

小曰蠶則鹿蟲當即蠶也鄭志諸蟲未詳其類今

補入

蠹

亦作蚊

一名白鳥一名暑蟲一名叅民一名昏蟲一名

門下蟲其大而斑者曰花蚊更有長腳長喙頽然如鳶

鶴者曰水蚊即所謂豹脚也埤雅云蚊有昏市

諸慮一名奚相見爾雅譚埽以為即蚊也

蚋一作似蚊而小性喜亂飛望之如霧故一名贅芮莊

子所謂贅芮生於腐蠶者是也因雨而生見陽而死與

蚊實異

蠨子一名烏蚊形圓黑色大如菜子元稹長慶集云蚋之小而黑者名蠨子即此錄異記以為即五倍子所化也

臣等謹按錄異記云峽江至蜀有蠨子視其生處即麩鹽樹葉背上春間生之葉卷成窠大如桃李

名為五倍子收者曬而乾之即不化去不然者必  
竅穴而出飛為蠹子矣據此則五倍子亦係蟲類  
鄭志編入木類誤今附訂正

浮塵子出蜀中微不可見與塵相浮上下故名見元稹  
長慶集錄異記曰色白晝夜害人又溪蠻叢笑云蠻地  
有蟲極細拭目難覩黑點著身抓搔不可耐名鷄末子  
此亦浮塵子之類但色黑耳

焦冥

冥一作煤

一名細蟻一名嬰蛻

蛻一作煤

見晏子列子及神

異經所謂焦冥巢蚊睫者也

蛛蟥一名蠲蛛見廣雅狀如小蜈蚣色青黑足多而長能溺人影令人發瘡如癩一名蛛蝮一名蠲蝮一名搜夾子一名礫蛸周禮赤友氏凡隙屋除其蠲蟲鄭康成注曰蠲蟲蝮肌蛛之屬即此

臣等謹案李時珍曰蠲蝮喜伏黽黽之下故得此名考陸德明經典釋文云蛛音求又音俱則以蠲為蛛乃音之轉非以伏黽黽而名也且蛛喜隱居

墻壁隙未嘗伏攫攫今正之

蜾一名蝮蚋見爾雅劉歆曰蜾蚋蝮子外傳曰蟲舍蚋  
蜾

臣等謹案郭璞注爾雅以蜾為蝗子未有翅者而  
復引蟲舍蚋蜾之文以證之夫蝗子惡物去之惟  
恐不盡宜有舍之之理考說文蜾復陶也劉歆說  
蜾蚋蝮子董仲舒說蝗子也則蜾字原有二訓春  
秋宣公十五年冬蜾生當從董說外傳之蜾當從

劉歆說而名蝮蝮也故韋昭國語注云蝮蝮蝮可  
食郭注合二為一遂不可通今附正之

傅一名負版見爾雅柳宗元蝮蝮傳云蝮蝮者善負小  
蟲也行遇物輒持取印其首負之背愈重其背甚濕物  
積因不散卒躓仆不能起人或憐之為去其負苟能行  
又持取如故好上高極其力不已至墜地死

蝮一名縊女見爾雅郭璞注曰小黑蟲赤頭喜自經死  
故曰縊女異苑以為齊東郭姜所化

蝗類有四爾雅曰食苗心螟食葉蠋

詩作  
蝻

食節賊食根

蝻陸璣詩疏云螟似好蚜而頭不赤蝻蝗也賊似桃李  
中蠹蟲赤頭身長而細毛詩義疏云蝻長而細一名斷  
螿許慎說文云吏冥冥犯法則生螟吏乞貸則生蠋吏  
抵冒取民財則生蝻

臣等謹按說文云螟蟲食穀葉者與爾雅小異附  
記於此

耗蟲窠一名蝻房又名躁舍又名雀兒飯甕在石榴

樹上者名天漿子在棘枝上者名棘剛子

白蠟蟲大如蟣虱芒種後綠樹枝食汁吐涎粘於嫩莖  
化為白脂乃結成蠟處暑後剥取以和油澆燭大勝蜜  
蠟也蟲始白色老則赤黑色乃結苞於樹枝俗呼蠟種  
亦曰蠟子

臣等謹案蠟樹大似冬青但蠟樹子生青熟紫冬  
青樹子則紅色為異耳汪機本草彙編以為蟲所  
食者即冬青樹殊非今正之



紫鉚蟲

鉚音  
礦

細如蟻出南海張勃吳錄云九真移風縣

有土赤色如膠人視土知其有蟻因墾發以木枝插其上則蟻緣而上生漆人折漆以染絮物其色正赤謂之蟻漆赤絮蟻漆即今紫鉚也又名赤膠又名紫梗紫鉚樹名渴稟

雲師雨虎霍山有之見遁甲開山圖榮氏注云雲師長五六寸雨虎長八九寸似蛭雲雨則出在石內可炙食之

九香蟲一名黑兜蟲產貴州永寧衛赤水河中大小指頭狀如水黽身青黑色至冬伏石下土人取之以充人事至驚蟄後即飛出不可用矣

蘘香蟲生蘘香枝葉中狀如尺蠖青色

龐降生嶺南多在檉欖樹上形如蜩蟬腹青而薄其鳴自呼但聞其聲而鮮能得之

蛺蝶一名螫蛺見廣雅一名胥一名蛺蝶一名胡蝶一

名風蝶一名撻末

末一作來

一名春駒其小者曰蛾蝶種甚

繁唐滕王蝶圖有江夏斑大海眼小海眼村裏來採花  
子等名

花胡蝶橘蠹所化大如蝙蝠名曰鳳子一名鳳車一名  
鬼車寧波志謂是梁山伯祝英臺之魂又曰韓憑夫婦  
之魂黑而有彩者曰梁山伯純黃色者曰祝英臺其黑  
者名元武蟬又名鬼蛺蝶又羅浮綠蝶世傳葛仙遺衣  
所化人得其繭懸之經年蝶出雖千萬里外必歸焉  
棗猫生棗樹上飛蟲也大如棗子青灰色兩角

芫青一蟲而五變二三月在芫花上即呼為芫青四五  
月在王不留行草上即呼為王不留行蟲六七月在葛  
花上即呼為葛上亭長八月在豆花上即呼為斑蝥九  
月十月復還地蟄即呼為地膽芫青一名青娘子斑蝥  
一名斑猫一名蟹蝥一名龍蚝一名斑蚝地膽一名虵  
要一名青蠹一名青蟻一名青虹一名杜龍

度古一名土蠱類蚘長二尺許稍觸則斷常趨蚘蚘化  
唯腹泥如涎有毒鷄食輒死見酉陽雜俎

獨脚蟻出嶺南一足連樹根下止能動搖不能脫去

青腰蟲大如中蟻赤色一尾而尖有短翅能飛

蛆蠅之子也凡物敗臭則生之

蝨一名蠟見南楚新聞或呼為琵琶蟲其子曰蟻頭蝨

黑身蝨白皆六足

蚤一作蚘  
一作蝨一名疣蚤一名狗蚤一名跳蚤以其黑色善

跳也齧人血很於蝨

壁蝨身扁而臭狀如藥中酸棗仁啞人甚於蚤蝨一名

木蟲一名扁蟲一名芟蟲一名交蚤一名薦蠅一名壁  
駝今謂之臭蟲語稱寒叮木夏叮肉元楊維禎有罵蟲  
賦即指此

牛蟲一名蠅見字林

豕蟲一名濡需見莊子

狗蟲似胡麻故韓愈詩云胡麻撮狗蟲

鷄蟲極細難見人呼為鷄翁蟲伏唯夏月多有之

龍蟲飛水田中與竈蟲無別

沙蝨一名蝨螿見廣雅毒蛇甲中蟲也一名蓬活一名地肺

竹蝨一名竹佛子一名天厭子生諸竹及草木上初如粉點久便能動百十成簇形大如蝨蒼灰色蟬史云其矢成團如粟飯懸竹籬間人取而洗烹食之甚益人

水蝨一名魚蝨似人蝨而大長寸許生水中能化蜻蛉  
飛生蟲狀如鬣髮頭上有角李時珍曰此天牛別類與  
鯢鼠同功故亦名飛生

丹戩狀如鼠婦青肢赤頭

廣蟲一名地竈一名土鼈一名地蟬蟲一名簸箕蟲一名蚶蚩蟲逢申日則過街故又名過街狀如鼠婦而大與燈蛾相牝牡小兒多捕以負物為戲虎蒼曰土鼈俗呼蚌虎蚌者屋蠹也此物氣能禁蠹令蠹盡死故曰蚌虎

行夜一名負盤一名扇盤一名氣蠶李時珍曰負盤有三行夜蜚蠊蟲蝨皆同名而異類又云行夜與蜚蠊形



狀相類但以有廉薑氣味者為蜚蠊觸之氣出者為鼠  
盤

油葫蘆如促織而三尾不鳴不鬪見事物紺珠

竈馬一名竈鷄酉陽雜俎曰竈馬狀如促織稍大腳長  
好穴竈傍俗言竈有馬足食之兆

吉丁蟲背正綠有翅在甲下出嶺南賓澄諸州人取帶  
之令人喜好相愛

腆顆蟲出嶺南狀如行夜褐色身扁帶之令人相愛

叩頭蟲大如斑蝥而黑色按其後則叩頭有聲劉敬叔  
異苑云叩頭蟲呪令叩頭又令吐血皆從所教殺之不  
祥佩之令人相愛

扁前生山中狀如牛蟲赤翼

蛭韓非子作虺俗作如腹中長蟲也見說文一名人龍韓非子曰

蟲有虺者一身兩口爭相齧也即此

蟯腹中短蟲也見說文即蚘蟲也蚘一作螺一名螺譚埽雕

蟲賦注云形小於蟻身圓白有紅喙在人皮肉間外有

線路以鍼取之出尚能走

臣等謹案巢元方云人腹有九蟲一曰伏蟲長四分羣蟲之主二曰虵蟲長五六寸至一尺發則心腹作痛三曰白蟲長一寸令人腰疼四曰肉蟲狀如爛杏令人煩悶五曰肺蟲狀如蠶令人咳嗽成勞六曰胃蟲狀如蝦蟇令人嘔逆七曰弱蟲又名膈蟲狀如瓜瓣令人多唾八曰赤蟲狀如生肉動作腹鳴九曰蟻蟲至微形如菜蟲居腸中令人生

癰疽疥癬疔癩痔瘻疔蟲齧齒諸病考九蟲之說  
抱朴子已有之但蛭蟻二蟲載者不一餘七蟲惟  
見巢說故本草綱目諸書但以蛭標題而以巢說  
附之今仍其例

金蠶一名食錦蟲字典云屈如指食故緋帛錦如蠶之  
食葉南人取其矢以毒人謂之蠱藥蝟能捕之

砂俘一名砂按子生砂石中形如大豆背有刺能倒行  
旋乾土為孔常睡不動故名睡蟲又名倒行狗子蜀人

號曰倬鬱譚埽雕蟲賦注名和尚蟲

含毒生江嶺間蚊蚋之屬中毒者慎勿手搔以鹽裹之  
即愈祝穆方輿勝覽謂之黃蠅

山蛤在山石中似蝦蟇而大黃色能吞氣飲風露不食  
雜蟲山人亦食之

山蛩蟲生山林間狀如百足而大烏斑色長二三寸鷄  
犬皆不敢食之

葛蝻一名蚱蝻譚埽雕蟲賦注曰狀如蝗色似葛翼小

不飛跳亦不遠在田禾中往來不害稼

飛蛾一名火蛾一名撲燈蛾古今注名火化事物紺珠  
名霜蛾陶弘景曰蠹蠋諸蟲至老各蛻大為蝶小為蛾  
一名慕光

蛤蚧狀類蝮蛇蟄首細鱗長尾生嶺南在古墻及榕木  
間一雌一雄行常相隨海錄云蛤蚧大月三聲小月兩  
聲

臣等謹索物類相感志云蛤蚧生一歲每鳴一聲

二歲二聲有至十聲者考北戶錄云端州大廳有  
蛤蚧州吏云多年矣至今每鳴或三聲或一聲不  
定據此則一歲一聲之說非也惟海錄大月三聲  
小月二聲之說得之

黃蟲生地上赤頭長足有角羣居見別錄

地防生黃陵狀如蠕居土中食之令人不飢不渴見別  
錄

梗鷄味甘無毒主治痺見別錄

益符一名無舌可療閉疾見別錄

雖蟲名似蜥蜴而大見說文

攷莊子唯蟲能蟲唯蟲能  
天經典釋文云一本唯作

雖疑即指  
此雖蟲也

蜡

音皆

蟲名淮南子曰蜡知將雨高誘注曰蜡大如筆管

長三寸餘世謂之猥狗知天雨則預於草木及橋下乾

處藏其身矣

蠱蠱見廣雅

蠱蠱音  
匿釋

淮南子曰兔齧為蠱許慎注云兔

所齧沫著者為蠱如蟲而斑色能齧人



蠶

音最

蟲名見說文墨客揮犀云蠶蟲狀似蟬形小而扁

隱屋壁及書冊中前有兩長足似蟹螯觸後則旁行觸前則却行一名惡蠶

十二時蟲出容州狀如守宮身圓而頸長頭有冠幘一日中隨時變色青黃赤白黑未嘗定嚙人不可療見嶺南異物志

避役出南方大如守宮足長身青肉鬣赤色其首隨十二時變子時鼠丑時牛亥時猪性不傷人見者有喜慶

見嶺南異物志酉陽雜俎謂之十二時辰蟲

恙毒蟲也喜傷人古人草居露宿相勞問曰無恙見風俗通

竊蟲大如半胡麻有兩角白色振其頭則有聲甚響尋之卒不可見見續博物志

蝮蝮一名蟾蝮一頭數尾長二三尺左右有脚如蠶可食見事物紺珠

木僕尾若龜長數寸居木上食人見酉陽雜俎

土螻生山石井坎間物類相感志云狀類鰻黃灰色有兩耳聳立腦後能偷水雖高山絕頂亦能引之江東人呼馬土螻或云凡發洩洪水皆其興妖天將雨或時見吐雲氣

雷蜺大如蚓以物觸之乃蹙縮圓轉若鞠良久引首鞠形漸小後如蚓焉見酉陽雜俎

夜虎出嶺南墨客揮犀云狀如蝮蚓長尺餘嘴利如錐多夜出半身著地半身指空而行或有人誤觸之者直

入人心腹食人至死乃出土人甚畏避之

謝豹蟲出號州酉陽雜俎云常在深土中小類蝦蟇而  
圓如毬見人以前兩脚交覆首如羞狀能穴地如鼯鼠  
頃刻深數尺或出地聽謝豹鳥聲則腦裂而死俗因名  
之或曰謝豹人也抱恥死其魄為蟲潛行地中羞見人  
掘出之猶以足覆面作忍恥狀

賈誼生千歲木中狀如豚食之如狗肉味見白澤圖

陽遂蟲其背青黑腹下白有五足長短大小皆等不知

首尾所在生時體軟死則乾脆見感應經

鼃一名匿鼃見說文臨海水土志云鼃似鼃一名鼃鼃  
一枚有三斛膏

聒聽出魏興郡似蜥蜴居樹上下齧人見字林

佗負蟲似促織而白色雙鬚甚長無翼不能鳴偃背長  
股善跳好居下濕地雌雄未嘗相離見山堂肆考

天社蟲狀如犬大腰食草木葉見別錄

碎車蟲狀如啣聊蒼色好棲高樹上其聲如人吟嘯終

南有之其大而黑者聲亦呼唧聊俗呼沒鹽蟲見酉陽雜俎

食膠蟲夏月食松膠前脚傳之後脚聶之內之尻中見

酉陽雜俎

結草蟲一名結葦好於草末折屈草葉以為巢窠見古  
今注採蘭雜志云結草蟲一名水螺一名蓑衣丈人  
蓑衣蟲身粘細稻芒成殼形如棗核時粘立於壁間或  
時負殼徐徐而行整如毛羽殼中有繭甚細中身細白

如米蛀蟲見譚埽雕蟲賦注

郎君子生南海有雌雄青碧色狀若兩擘杏仁婦人臨產手執之便生子見異物志

豆娘子如蜻蛉極小堅翅見事物紺珠

欽定續通志卷一百七十八

欽定四庫全書

欽定續通志卷一百七十九

昆蟲草木畧

六

魚類

嘉魚鯉質鱗鱗肌肉甚美食乳泉出於丙穴任豫益州  
記謂之拙魚水經注曰丙水上承丙穴穴出嘉魚常以  
三月出十月入穴口向丙故曰丙穴山堂肆考曰丙穴  
在夔州府達縣東北通明發縣井峽中凡十穴皆出嘉



魚雲南記曰雅州諸水多有嘉魚

鱣一名鱣見廣雅狀如鱸而頭小形扁細鱗肥腹其色

最白故呼曰鱣

鰮鰮一作鱣一名鱣魚見本草拾遺狀似鱣而色黑其頭最

大俗名包頭魚山海經云鱣魚似鯉而大首食之已疣  
即此禮記魚去乙鄭康成注曰今東海鰮魚有骨名乙  
在目旁狀如篆乙食之鰮人不可出亦謂此魚也

臣等謹案陸璣詩疏云鱣之頭尤大而肥者徐州

人謂之鯁或謂之鱸幽州人謂之鴟鷂考廣雅云  
鯁鯁也司馬相如上林賦有鰕鰕鮓郭璞注曰  
鰕似鯁而黑李時珍曰鯁鱸二魚首之大小色之  
黑白大不相侔則詩疏以鯁鱸為一物者誤矣又  
山堂詩考云青鯁曰鱸白鯁曰鯁其說與張揖郭  
璞異亦非今並正之

鱮一名揚見毛詩傳陸璣詩疏云今黃頰魚也似燕頭  
角身形厚而長大魚之大而有力解飛者今江東呼黃

鱮魚大者長尺七八寸許本草名黃頰魚又名鯪魚又  
名黃魴

鯪魚一名河魴

河玉篇作魴  
魴類篇誤鮪

見廣雅即河豚也一名鮪

一名鯪或作鮪

一名鯪鮪一名嗔魚一名烏狼一名探魚

一名黃鯪一名吹肚魚又名氣包魚廣志謂之鮪魚山

海經敦水多鮪鮪之魚

鮪音沛

食之殺人李時珍以為鮪

鮪即河豚也河豚大者名鮪鮪又名青郎君小者名斑

兒又名斑魚又名鮪魚

魚獸一名魚狸似豬東海有之其皮背上斑文腹下純青今以為弓韃步叉者也其皮雖乾燥經年海水將潮及天將雨其毛皆起水潮還及天晴其毛復如故雖在數千里外可以知海水之潮氣自相感也見陸璣詩疏詩之魚服傳之魚軒皆指此

鰈大魚也見毛詩傳孔叢子曰衛人釣於河得鰈魚其大盈車即此

臣等謹案鄭箋云鰈魚子也與毛傳異正義云鯢

魚子釋魚文鯤鰥字異古蓋通用或鄭本作鯤也  
案鰥為大魚孔叢子與毛說合正義謂或鄭本作  
鯤乃揣度之辭未足為據故仍從毛傳

鯨海魚也大者長以里計小者亦數十丈一生數萬子  
常以五月六月就岸生子至七月八月導引其子還大  
海中其雌曰鯢眼睛為明月珠見崔豹古今注金樓子  
曰鯨鯢一名海鮪穴居海底

臣等謹案鄭志云鯢即雌鯨而所述魚形與古今

注異故別出之

比目魚不比不行其名謂之鰈見爾雅郭璞注曰狀如  
牛脾鱗細紫黑色一眼兩片相合乃得行上林賦謂之  
鮪鄭康成尚書中侯注謂之東絲吳都賦謂之兩鮪劉  
逵注謂之左右鮪臨海異物志曰南越謂之版魚亦謂  
之箸葉魚嶺表錄異云南人謂之鞋屨魚淮江謂之拖  
沙魚

臣等謹案郭璞爾雅注云比目魚江東呼為王餘

魚其注上林賦無此句考王餘即鱠殘能孤遊非若比目之不比不行也故孫綽望海賦曰王餘孤遊比目雙遊則王餘比目宜為二物又北戶錄云比目一名鱣考說文鱣一名鱣非比目魚之別名也今並正之

鰭鱗一名鰭歸見爾雅郭璞注曰小魚也似鮒子而黑俗呼為魚婢江東呼為妾魚崔豹謂之青衣魚羅願謂之鱗皮鮒李時珍謂之鱗魚魍鼠所化其行以三為率

一前二後若婢妾然故有婢妾青衣等名

鮪一名鮪鮪見爾雅郭璞注曰鮪鱸屬也大者名王鮪

小者名鮪鮪今宜都郡自京門以上江中通出鱸鱸之

魚有一魚狀似鱸而小建平人呼鮪子即此魚也李奇

漢書注云周洛曰鮪蜀曰鮪鱸

音亘  
憐

毛詩疏曰東萊遼

東人謂之尉魚或謂之仲明魚

鱸

一作鱸  
尋  
淫二音

似鱸鮪而大江湖皆有之鼻長如鸛嘴故

又名鸛嘴魚無鱗有青黑斑文口在頷下一名鱸鱸魚



見山堂肆考廣州謂之鱒龍之魚養魚經曰鱒鯉魚兩  
頰之肉謂之鹿頭

臣等謹案玉篇云鱒鮪也與山堂肆考異考字林  
云鱒長鼻魚也重千斤陸璣詩疏云鮪大者不過  
七八尺郭璞曰鱒似鱒而短鼻鮪似鱒而小據此  
則身之大小鼻之長短迥然各別不可牽合也故  
從山堂肆考別出之

鯉有二種郭義恭廣志曰捷為樊道縣出臠骨黃魚南

中八郡志曰江出黃魚魚形頗似鱸骨如葱可食此即  
海語所謂常鯉類鱒而小河海皆產者也劉欣期交州  
記曰武寧縣秋九月黃魚上化作鷄鳥南方草木狀曰  
短細黃魚九月中因秋風而變成鷄止園林捕取炙食  
滋味肥美倦遊雜記曰黃魚化為鷄鷓此即海語所謂  
海鯉身首差短騰于沙嶼化為火鳩者也

攷廣韻鯉字  
或作鱖或又

省作黃故廣志諸書稱黃魚也又  
鱸亦有黃魚之名與此同名異物

臣等謹案山堂肆考及養魚經皆統稱鱒鯉魚而

海語云鯉類鱈而小微有不同考京口錄云鱈鯉是兩種鱈肉之色白鯉肉之色黃則海語是也世之併稱鱈鯉者猶鵠鷄本二物特以形類相似而總稱鵠鷄耳未可為典要也故別出之

鰲一名是鮓見爾雅郭璞注曰鰲鰈屬也體似鱣尾如鮪魚大腹喙小銳而長齒羅生上下相銜鼻在額上能作聲少肉多膏胎生健啖細魚大者長丈餘江中多有之

魴一名鰕見爾雅郭璞注曰出歲邪頭國見呂氏字林

臣等謹案楊慎異魚圖贊注云魴魴鱸鯉鯪五魚

皆出樂浪潘國見說文考說文魴出歲邪頭國魴  
鯪鯪鯪出樂浪潘國楊氏合為一非是又誤鯪為  
鱸誤鯪為鯪益非並附訂於此

鰕音善一名黃鰕音旦有二種一種黃鰕一種白鰕生溪邊

土穴中長五尺許大三寸滋味如黃鰕交趾九真有之  
一種蛇變者名蛇鰕項下有白點昂首寸許故名昂

頭鱣不可食陶隱居云鮪魚乃芹根所化

臣等謹案鱣字古多借鱣字為之荀子魚鼈鱣鱣  
韓非子鱣似蛇是也後漢書楊震傳有冠雀銜三  
鱣魚飛集講堂前注云鱣音善可證附識於此

鮑一名鱣見廣雅即白魚也狀如鯉而色白故名說苑  
陽晝謂宓子賤曰投綸錯餌迎而吸之者陽鱣也肉薄  
而不美即此馬縞中華古今注曰白魚赤尾者曰鮪紅音  
一曰鮪或曰雌者曰白魚雄者曰鮪魚子好羣浮水上

者名曰白萍

臣等謹案荀子儵鮪者浮陽之魚也楊倞注曰今字書無鮪字當為鮪楊慎轉注古音以為鮪即鱈也鮪從本本音叨故鮪音鱈案鱈性好浮水上就陽故名陽鱈則浮陽之魚其為鱈審矣楊倞之改字蓋未深考耳附訂於此

石首魚一名鮫見廣雅似鮠而小腦中有骨如白石故名石首鱗色甚黃如金故名黃魚又名金鱗又名黃

瓜其鰓可作膠博物志謂之鮫魮是魚初出水能鳴夜  
視有光每歲四月來自海洋綿亘數里有聲如雷網師  
以長竹挿水聽之聞其聲則下網截流取之謂之洋山  
魚和蓴菜作羹謂之金羹玉飯莞而食之謂之蓴張勃  
吳錄云婁縣有石首魚至秋化為冠鳧臨海異物志云  
石首異種又有石頭長七八寸與石首同

臣等謹案五雜俎云韋昭春秋外傳注石首成鮪  
鮪鴨也今海濱石首未聞有化鴨者考吳錄有石

首至秋化冠鳧之語本草一種野鴨頭中有石云  
是石首魚所化附識於此

梅魚

一作鰈魚

一名躡水

一作躡魚

似石首而小黃金色味頗佳

頭大於身人呼為梅大頭出四明梅山洋故名梅魚或  
云梅熟魚來故名見異物志又名黃花魚臨海水土記  
謂之黃靈魚首亦有石雨航雜錄云其次名春來最小  
者名梅首又名梅童

鮒一名鮓鮓

音鋪浮鮓

一作鮓鮓

見廣雅即江豚也逢風則涌有



兩乳一名奔鯨魏武四時食制謂之鯨師

音敷

酉陽雜

俎謂之濁南方異物志謂之水猪又名饒魚俗呼拜江猪陳藏器曰取脂點燈照樗蒲則明照讀書工作即暗俗言懶婦所化也

海豚魚一名海豨臨海水土記曰海豨豕頭身長九尺郭璞山海經注曰今海中有海豨體如魚頭似猪陳藏器本草拾遺曰海豚生海中候風潮出沒形如豚鼻在腦上作聲噴水直上百數為羣其子如蠶魚子數萬隨

母而行人取子繫水中其母自來就而取之

臣等謹案李時珍合鰲與海豚為一考鰲魚生于江鼻在額上而長丈餘海豚生於海鼻在腦上而長九尺則判然二物也今別出之

鰲出南海其身土黃色有四足修尾形狀如鼉而舉止蹠疾口森鋸齒往往害人鹿走崖岸之上羣鰲嗥叫其下鹿必怖懼落崖多為鰲魚所得見嶺表錄異博物志曰鰲魚斬其頭而乾之去其齒而更生如此者三乃止

洽開記云鰐魚別號忽雷一名骨雷秋化為虎三爪

臣等謹案韓愈驅鱷陳堯佐戮鱷文人艷稱之伏

讀

御製讀祭鱷魚文詩跋云按唐史載韓愈驅鱷魚西徙  
六十里夫一州幅員豈止六十里是仍在其境內若  
驅之他境是以隣國為壑也彼之民又將受鱷之暴  
矣而歐陽修作陳堯佐神道碑又稱堯佐捕鱷魚告  
以文而戮之云云夫鱷果能為害又豈能捕而戮之

即捕獲亦無庸告以文也且自二事之後潮州仍唐  
宋之潮州也何未聞鱷魚之害文人好奇說項其不  
可信率如此因讀韓文並闕之臣等紬繹之下不啻發  
蒙振贖千古虛詞一朝盡闕今謹錄之俾天下共  
祛惑焉

鮫一名鯉見王逸楚詞注及廣雅本草謂之穿山甲臨  
海水土記曰鮫背腹皆有刺如三角菱

李時珍引見尾  
刺如三角菱當

從之臨海異物志曰鮫魚吐舌蟻附之因吞之又開鱗甲

使蟻入其中乃奮近則舐取之

鰮一名鰮見廣雅說文曰鰮魚皮有文出樂浪東曉音移

神爵四年初捕收輸考工周成王時揚州獻鰮上林賦

鰮鰮鰮即此

鮐一名鰮見廣雅

鮐託音一名鮐見廣雅郭璞上林賦注曰鮐一名鮐一名

黃頰山海經減水多鮐魚即此狀似鰮而腹平大者三

四十斤啖魚最毒

鯨一名竹頭見廣雅揚慎曰滇池所饒一名竹丁

禺禺魚皮有毛黃地黑文上林賦禺禺魼魼即此

鯨似鯢郭璞江賦云鯢鯢鱗鮪即此

鯢音練

虎魚出東海見范子計然頭似虎腹背皆有刺本草拾遺謂之魚虎臨海水土記謂之土奴魚倦遊錄謂之泡魚吳都賦所稱沈虎江賦所稱虎狀皆指此述異記云老則變為鮫魚陳藏器曰亦有變為虎者

鹿魚一名鹿鯊一名白鯊臨海異物志曰鹿魚長二尺

餘頭上有兩角如鹿腹下有腳如人足又有鹿子魚頰色其尾鬣皆有鹿斑赤黃色羅州圖經云州南海中有洲每春夏此魚跳出洲化而為鹿曾有人拾得一魚頭已化鹿尾猶是魚南人云魚化為鹿肉腥不堪食

牛魚有二種南越志曰天牛魚方圓三文眼大如斗在脾頭口在脇中露齒無唇兩肉角如臂兩翼長六尺尾長五尺此一種也陳藏器曰牛魚生東海其頭似牛此又一種也

鰮鰮魚出食水其狀如犂牛其音如彘鳴見山海經楚辭鰮鰮短狐即此

臣等謹案王逸楚辭注云鰮鰮短狐類洪興祖補注曰鰮鰮狀如犂牛則引山海經為說比王為有據但山海經作鰮鰮引作鰮鰮不無小異附識於此

鰮一作鰮狀似鯉頭扁而身圓目赤而口小其鱗黑故名鰮魚其子滿腹故又名子魚是食泥與百藥無忌腹有



黃脂味美獺喜食之物產志曰凡海魚多以大噬小惟

鮐魚不食其類又性慧不入網罟

捫蝨新話云泉州有通應侯廟其下臨海

出子魚甚美世呼通應子魚者記所出也王荆公詩遂誤用謂長魚俎上通三印東坡又以通印子魚對披綿黃雀皆是傳聞之談

琵琶魚無鱗長二尺形如琵琶故因為名見沈懷遠南

越志任昉述異記曰海中魚千歲為劍魚一名樂魚一

名琵琶魚左思吳都賦曰鮫鮐琵琶曹毗揚都賦曰魚

則琵琶烏賊皆指此

印魚無鱗形似鰈形

鰈音錯

身中正方如印有文章諸大

魚應死者印魚先封之見臨海異物志郭延之述征記

曰城陽縣南六里堯母廟前一池魚頭間有印文名印

鰈魚非告祠者捕不可得左思吳都賦曰鮒龜鰈音藩鰈

即此

鰈鹿文青目見臨海水土記一名鹿文鯊南越記曰鰈

魚南越謂為環雷魚長一丈子朝出食暮還母腹常從

臍中入口中出腹內有兩洞腹貯水以養子腹容二子

兩腹則四子也其鯢鱗皮有珠文可以飾刀劍口孫綽望海賦曰勁鰭揚鬣以排流即此酉陽雜俎謂之河伯健兒異物志謂之出入鰭

鰭鼻有橫骨如錨出則海中波浪為之涌海船逢之必斷見南越記本草綱目謂之鋸鯊又曰挺額魚又曰鰭

鰭謂鼻骨如錨斧也

據吳郡賦注云有橫骨在鼻前如斤斧形東人謂斧斤之斤為錨故

鰭謂之

虎鰭長五丈黃黑斑耳目齒牙有似虎形唯無毛或曰

變乃成虎見臨海異物志一名胡鯊一名虎鯊一名虎頭鯊本草以為虎魚所化又有鰕鰯尾似鰕亦見異物

志

鮫一名鮫鰭一名鮫鯊出東海中魚既生子子驚還入母腹尋復出見博物志山海經曰漳水多鮫魚即此郭璞曰鮫背上有甲珠文尾長三四尺皮可以飾刀劍口

臣等謹案羅願爾雅翼云鮫一名鰕考左思吳都賦有鮫又有鰕鰯則羅說非也今正之

鯊其類甚多有犁頭鯊頭似犁鑿而長尖銳刺人有香  
鯊體有香氣有熨斗鯊頭如熨斗有了髻鯊頭如了髻  
有劍鯊長嘴如劍對排牙棘人不敢近又有名狗鯊者  
狗頭魚身聲如狗吠形類彈塗而大大者長丈餘好伏  
泥塗中而吠見人則驚入水見山堂肆考又寧波府志  
所載有白蒲鯊黃頭鯊白眼鯊白蕩鯊青頓鯊斑鯊牛  
皮鯊

臣等謹案古所謂鯊即爾雅之鮪也今所謂鯊乃

鰭之轉音如鰭魚鮫魚虎魚皆鰭類也故有鰭鰭  
鮫鰭虎鰭之稱乃後之稱者皆易為鋸鯊鮫鯊虎  
鯊則其為轉音明矣山堂肆考及寧波府志所載  
諸鯊亦鰭類耳戴侗六書故以為其皮如沙故名  
鯊魚又按異物志云鰭有二十餘種今以鰭魚鯊  
魚鮫魚鰭鰭虎鰭鹿鰭印魚而加以犁頭等六鯊  
白蒲等十鯊正得二十三鰭也鄭志已有鯊魚而  
未詳其類今補入

烏鰂一名烏賊魚一名墨魚陶隱居以為鷄鳥所化也  
其骨名海蝶蛸南越記曰烏賊魚有釘遇風浪便虬前  
一鬚下釘而住腹中血及膽正黑中以書也世謂烏賊  
懷墨而知禮故俗云是海若白事小吏酉陽雜俎又名  
河伯從事或曰魚常浮水上烏見以為死便往啄之乃  
卷取烏故謂烏賊埤雅云烏鰂遠岸則虬前一鬚為釘  
近岸則黏前一鬚於石為纜故又名纜魚嶺表錄異曰  
烏賊魚前有四足每潮來即以二長足捉石浮身於水

上有小鰕魚過其前即吐涎惹之取以為食左思吳都賦曰烏賊擁劍即此

鯖一名青魚一名青鱈一名烏鷓魚狀似鯉而背青色其頭中枕骨蒸令氣通乾之狀如琥珀荆楚人以作酒器梳篦甚佳事物紺珠曰鯈青黃色腮下有橫骨如鋸又青魚之大者名鱣一名鯉一名鱓見玉篇

臣等謹案李時珍曰南人多以青魚作鮓古人所謂五侯鯖即此考廣韻鯖有二音音征者乃煮魚



煎肉之名所謂五侯鯖也音青者乃魚名即青魚也李氏不考其字同音異而合為一條誤矣今正之

膾殘魚狀如銀魚而大冬月帶子者謂之挨冰嘯博物志曰吳王江行食膾有餘棄於江中流化而為魚今江中有魚名吳王餘膾者長四寸大者如箸猶作膾形銀魚似膾殘而小古謂之白小今謂之麩條魚海中出者曰龍頭魚福州一種名水晶魚

鰓有二種山海經曰桃水多鰓魚

郭云鰓音滑

其狀如蛇而

四足是食魚此一種也經又云子桐之水多鰓魚

郭云鰓音

骨其狀如魚而鳥翼出入有光其音如鴛鴦此又一種

也郭璞江賦之鰓未知何種李善則引子桐之鰓以注

之

攷漢書地理志曰子桐之水其中澤多鰓魚與山海經異

鱖

鱖音騰

出合水其狀如鰕蒼文赤尾食者不癰可以已

癩見山海經

文鯨出觀水狀如鯉魚魚身而鳥翼蒼文而白首赤喙

常行西海游於東海以夜飛其音如鸞鷄其味酸甘食之已狂見則天下大穰見山海經呂氏春秋曰觀水之魚名曰鱣狀如鯉有翼左思吳都賦曰文鱣夜飛而觸綸皆指此

鱣出來需水黑文其狀如鮒食者不腫

今本作腫

見山海經

郭璞江賦鮫鱣鱣鱣即此

鱣似紅色白鼻長見廣韻北史真臘國有魚名達同四足無鱗鼻如象吸水上噴高五六十尺亦其類也

臣等謹案郭璞江賦或鹿駱象鼻所謂象鼻蓋即此魚也而注家皆闕今附識於此

鮭出柢音山之水其狀如牛陵居蛇尾有翼其羽在脊下其音如留牛冬死夏生也食之無腫疾見山海經

郭璞江賦曰鮫鮭躄於垠濼又曰潛鵠魚牛亦鮭也

鱒音有二種山海經曰暴水多鱒其狀如鮒而彘尾其

音如豚見則天下大旱此一種也儀禮曰鱒音鮒九腊

呂氏春秋曰魚之美者洞庭之鱒此又一種也江賦作

螭

鱣一名魮

鱣音忿  
魮音烘

臨海水土物志曰鱣魚似圓盤口在

腹下尾端有毒興化志曰魮首似燕故名燕魮魚尾圓

長如牛尾故又名牛尾魚兩航雜錄云魮最大者曰鮫

其次曰錦魮曰黃魮曰斑魮曰牛魮曰虎魮魮字或作

魮文選所謂鱣魚也海篇作魮又云即鯨魚也類篇又

有白魮

海鷁魚似鷁有肉翅能飛上石頭一名石蠅一名邵陽

魚齒如石板生東海見本草拾遺雨航雜錄曰海鯨出  
主風故諺曰海鯨風伯使白袋雨師奴白袋似牛而白  
自海入江則兆雨澤

鮪魮魚益人尾有毒療齒痛見陶隱居別錄

地青魚尾有刺甚長逢物則撥之毒能中人色白者曰  
地白與魮相類見寧波府志

臣等謹案本草綱目曰海鯨魚一名鱣魚一名鮪  
魮魚寧波府志云地青魚又名邵陽魚鼠尾魚案

魷魚即鱈魚邵陽魚即海鷄魚陳藏器本草拾遺

曰魷魚

音拱魷魚音同

鼠尾魚地青魚鮪魷魚

音鮪

胡反魷

邵陽魚尾刺人者有大毒已上魚並生南

海總有肉翅尾長二尺刺在尾中逢物以尾撥之

食其肉而去其刺據此則本草綱目及寧波府志

皆誤也

魷魚出濫

音檻

水其狀如覆鮑鳥首而無翼魚尾其聲

如磬是生珠玉

珠母蚌類

見山海經南越志曰海中有文魷

鳴似磬鳥頭魚尾而生玉即此故郭璞江賦曰文魮磬

鳴以孕璆

龍魚陵居其狀如狸

或曰龍魚似狸一角也

一曰蝦

音退

即有神聖

乘此以行九野一曰鼈魚其為魚也如鯉見山海經

上菜

作如狸下云如鯉二字互異海外經文法多如此今仍之

括地圖曰龍魚一名鰕魚

狀如龍有神聖乘此而行九野郭璞江賦曰龍鯉一角

又曰或虎狀龍顏皆指此

人魚似人長三尺餘有髮不可食見臨海異物志洽聞



記云海人魚東海有之大者長五六尺狀如人眉目口  
鼻手爪頭皆為美麗女子無不具足皮肉白如玉無鱗  
有細毛五色輕軟長一二寸髮如馬尾長五六尺魏武  
四時食制謂之髮魚

臣等謹案嶺海異聞云人魚長四尺許體髮人也  
惟背有短鬣微紅注云西海陵魚即此考陵魚有  
甲故山海經云魚身此文云體髮人也洽聞記云  
無鱗有細毛皆不云有甲又賢奕編云待制查道

奉使高麗見沙中一婦人紅裳雙袖髻鬟紛亂肘  
後微有紅鬣查命扶於水中拜手感戀而沒乃人  
魚也其狀與嶺海異聞脗合而亦不云有甲則注  
以人魚為陵魚者誤也附訂於此

飛魚有數種山海經曰正回水多飛魚其狀如豚而赤  
文服之不畏雷可以禦兵又曰勞水多飛魚其狀如鮒  
食之可以已痔林邑國記曰飛魚身圓長丈餘羽重沓  
翼如胡蟬出則羣飛遊翔翳蒼而沈則泳海底酉陽雜

俎飛魚頭山浪水有之魚長一尺能飛飛則凌雲空息  
即歸潭底

鰮

音蒸

出滾澤水狀如鯉而鷄足食之已疣見山海經

攷吳任臣曰張融海賦云  
鰮魼鰮鰮疑鰮即鰮之誤

何羅魚出譙水一首而十身其音如吠犬食之已癰見  
山海經張融海賦云何懼鱠鮓即此又山海經云泚水  
多芘魚其狀如鮒一首而十身其臭如麋蕪食之不糲  
此亦何羅魚之類也

臣等謹案楊慎云何羅魚即今八帶魚考八帶魚  
即八稍魚一首而八身與何羅魚之十身者有別  
今特正之

鮎

音諸出諸懷水魚身犬首音如嬰兒食之已狂見山海

經

疏齒魚味如猪肉出東海見魏武四時食制潘岳滄海  
賦曰比目疏齒即此

箴魚

箴或作鹹

一名姜公魚南越記謂之長針魚或謂之針

口魚臨海異物志謂之銅吮魚狀如鱸殘而喙尖有一  
細黑骨如針故名山海經沢音積水多箴魚其狀如鱗其  
喙如箴食之無瘥疾即此山堂肆考云針口魚口似針  
頭有紅點腹兩旁自頭至尾有白路如銀色身細尾岐  
長三四寸二月間出海中

鰓鰓音褶出鬻水其狀如鵲而十翼鱗皆在羽端其音如

鵲可以禦火食之不瘥見山海經維書曰鰓鰓魚狀如鵲食之不瘥出涿光山即此

師魚出歷號水食之殺人見山海經陳藏器本草拾遺

云魚師大者有毒殺人李時珍吳任臣皆以為即山海

經之師魚也

攷唐韻云師老魚也又別一義非此

文魚出睢音水見山海經郭璞注曰文魚有斑彩也

赤鱺音出英水其狀如魚而人面其音如鴛鴦食之已

疥見山海經

鮮出禺水其狀如鼈魚尾二足其音如羊食之益明見

山海經

無遺魚出涑水魚身蛇首六足目如馬耳食之使人不

昧可以禦凶見山海經

攷無遺坊本作冉遺此從太平御覽

鯪出渭水其狀如鱸魚見山海經

羸魚出濛水魚身而鳥翼聲如鴛鴦見山海經

魮音紫出晉水其狀如鯨而赤鱗其音如叱食之不驕或作

騷見山海經

鮎音陷父魚其狀如鮒魚首而彘身食之已嘔見山海經

豪魚出渠豬水其狀如鮪而赤喙尾赤羽可以已白疥

坊本  
作癖 見山海經

堪予魚

丹音序

出豸山水其狀如夸父而毳毛其音如呼

見山海經

鯨

音蛤

出深澤其狀如鯉而六足鳥尾其鳴自叫見山

海經及廣雅

薄魚狀如鱸魚而一目其音如歐出鬲水見山海經

脩辟魚出橐水狀如鼃而白喙其音如鴟食之已白癖

見山海經



滑魚出滑水其狀如鱣音善赤背其音如梧食之已疣見

山海經

鮮出貉國見說文水經曰扶南象浦有鮮魚色黑身長五丈頭如馬首伺人入水便來為害酉陽雜俎謂之馬頭魚事物紺珠云鮑鮮魚一名康郎雲南人以為瘴藥楊慎曰滇人呼為凍竈魚其魚乾而中空

鱣狀似蝦無足長寸大如釵股出遼東見說文

望魚側如刀可以刈草出豫章明都澤一云塗澤見魏武四

時食制

斑文魚出東夷濊國漢時恒獻其皮見郭義恭廣志

斑魚頭中有石如珠出北海見魏武四時食制

蕃躑魚一名蕃喝魚狀如鼈大如箕甲上邊有鬚無頭

口在腹下尾長數尺有節有毒螫人見魏武四時食制

臣等謹案李時珍誤合蕃躑魚邵陽魚鱣魚海鰻

魚為一今各出之

橫公魚出北方荒外石湖中長七八尺形如鱧而目赤

晝則居湖中夜化為人刺之不入煮之不死以烏梅二

枚煮之乃熟食之可止邪病

元黃經曰橫公魚不可殺惟加烏梅其氣乃滅

蒲魚其鱗如粥出郿縣見魏武四時食制

其鱗如粥楊慎作其形如

粥或曰蒲魚一名鮎魚尾如蛇口眼不相營

君魚長三寸背上骨如筆管大者似口逢諸細魚及龜皆斷之見沈懷遠南越志

鮎一名生母魚見嶺表錄異劉敬叔異苑曰凡諸魚欲產鮎輒以頭衝其腹鮎魚自欲生者亦更相撞觸故世

人謂為衆魚之生母也

臣等謹案李時珍本草綱目合鱖鮠鰈為一考太  
平御覽諸書未有合者今分輯之

寄魚長三寸似白魚常附海船以濟洪波一曰寄戴魚  
見沈懷遠南越志臨海水土記謂之寄度魚

黃雀魚出南海常以六月化為黃雀到十月入海為魚  
見臨海異物志風土記曰六月東南長風俗名黃雀風  
時海魚化為黃雀因為名也

鰲長五寸陰雨起飛高丈餘見臨海異物志

鳶魚狀如鳶頭有兩角唯無尾無足陰雨日亦飛高數

丈見臨海異物志

邵魚狀如鳶魚見臨海水土記

鱈鮠狀如鳶魚見臨海水土記

槌額魚似鰩魚長四尺見臨海水土記

石野音魚附石似鋸錯見臨海水土記

井魚頭兩角見臨海異物志酉陽雜俎曰井魚腦有穴

每喻水輒於腦穴中蹙出如飛泉散落海中舟人競以空器貯之海水鹹若經魚腦穴中出反淡如泉水焉鏡魚如鏡形體薄少肉見臨海異物志

鑷魚長七寸頭如鑷見臨海水土記

含光魚一名鴈魚黃而美故謂之鴈有光照如燭見臨海異物志嶺表錄異曰黃鴈魚即江湖之橫魚頭嘴長而鱗皆金色南人嚮為炙雖美而毒或煎燂乾夜即有光如燭

鮫細如指長七八寸但有脊骨可作羹大者如竹竿爆作燭極有光明見臨海異物志

鮓正月生溪中裁長一寸至十月中東還歸於海香氣聞於水上到時月輒復更生見臨海水土記永嘉地志曰石堂水口多鮓魚即此

臣等謹案兩航雜錄曰鴈山有香魚鱗細不腥春初生月長一寸至冬月長盈尺則赴潮際子生已輒槁一名記月魚蓋即此鮓魚而古今名稱不同

耳附識於此

金石魚形圓如七寸梓見南越記

婢屣魚口近腹下形似婦人履見臨海異物志

奴僑魚長一尺如僑形見臨海水土記

臣等謹案李時珍誤合比目魚婢屣魚奴僑魚為  
一今各出之

鯨魚似蒲魚長三尺

鯨音沃

見臨海水土記

陶魚長三尺似鮠魚

鮠音鮠

見臨海水土記



戴星魚狀如鳶魚背上有白點如指大見臨海水土記  
鱸似鉄鯢音果尾上刺有如櫛樹刺也見沈懷遠南越志  
鮓似白魚而身稍短尾不偃清遠江多此魚蓋不產於  
海也廣人得之多為膾不腥而美諸魚無過之者見嶺  
表錄異

織杼魚背上正青見沈懷遠南越志

新婦魚似鮭魚長一尺見臨海水土記養魚經曰鰕虎  
魚類土附而腮紅若虎善食蝦俗謂之新婦魚

緋魚一名紅桃魚出海中見異物志

鯤鮑似海印魚見臨海水土記本草圖經云鮑魚形類

鱮魚生溪中極臭額旁有骨名乙長尺許

鈇刀魚似鯊魚見臨海水土記

鰕蟇魚色似鳶魚頭如蝦蟇尾又似鳶見臨海水土記

龜魚長五寸見臨海水土記

烏鵲魚通身黑長二丈見南越志

鼠魚長七寸頭如鼠見臨海異物志

弓魚長三寸似鯢魚見臨海水土記

楊慎曰弓俗誤作公

事物紺

珠云公魚似鯢細鱗長不滿尺有子美出大理

鰓鱧長一丈見臨海水土記

黍魚長尺似鱣蟹見臨海水土記

真魚如織杼魚見沈懷遠南越志臨海水土記曰鱣魚

俗謂之鱣魚

鱣兩肋下有大肉如炙臠大見臨海水土記嶺表錄異

曰鱣魚形似鱣魚而腦上突起連背而圓身肉甚厚肉

白如鰕只有一脊骨治之以薑葱音圭之音圭以粳米其

燕也

骨亦軟殮者無所棄本草鱸魚一名鮠鮠一名鱠魚一

### 名鮠魚

鷄子魚口有嘴如鷄肉翅無鱗尾尖而長有風濤即乘  
飛於海上舩稍類鮎鮎見嶺表錄異

竹魚產江溪間形如鱧魚大而少骨青黑色鱗下間以

朱點可翫見嶺表錄異又酉陽雜俎云負朱魚每鱗有

一點朱

據桂海虞衡志云竹魚出灘水狀似青魚又鳥獸考云竹魚其色如竹青翠可愛與此名同而

異形

續尾魚有毒一名艷魚見南越志

據山海經龍魚一名艷魚與此名同物異

土拌魚長七寸白黑斑文見臨海水土記

蘆鱒似鮭蝨而有細文多膏肥美大如蘆管出水地中  
隨水浮出俗名蘆鱒見異物志沈懷遠南越志曰蘆鱒  
魚生山曲之間穴地為窟泉源涌則此魚出今蘆陵以  
南至於南州有焉俗以為醬

鼉風魚值冬數千萬頭共處大窟中窟上有白氣或在

鼉穴中皮黑如漆能潛知數里中空木所在因風而入  
空木化為蝙蝠其肉甚美見異物志

丹魚出丹水常先夏至十日夜伺之魚夜浮水側赤光  
上照赫然如火也割其血塗足下則可步行水上長居  
淵中矣見抱朴子

綠魚出赤土國南海中羣飛水上見北史

味魚出黃河中狀類嘉魚潘淳詩話云河中府三面是  
黃河中有味魚似鯽而肥短味亦美故杜甫詩云黃河

味魚不易得

攷黃河味魚一本作河凍未漁

鮠出歲邪頭國見說文雨航雜錄曰鮠魚狀似鱸而肉

麤三腮曰鮠四腮曰茅鮠小者曰鮠姑樂清志所謂鱉

魚是也一曰茅狂

攷鱣亦名鱉與此同名異物

臣等謹案李時珍誤合鮠魚與石首魚為一今各

出之

鱸一名四腮魚有二種曰脆鱸曰爛鱸談苑云松江鱸

魚出長橋南者四腮味美肉緊出長橋北者三腮味帶

鹹肉稍慢

臣等謹案鳥獸考云海中四腮鱸皮緊脆而肉厚  
呼曰脆鱸有江鱸差小而兩腮味淡有塘鱸雖巨  
而不脆考茅鮓狀似鱸而四腮鳥獸考所云海中  
四腮鱸即茅鮓非真鱸也

鋸魚出惠州一名狼藉魚身長二丈口長三尺廣三寸  
左右齒如鐵鋸見寰宇記南越志作鋸魚漁書云此魚  
惜齒齒掛於網則身不敢動恐傷其齒諺謂千斤之鋸



命懸一絲是也

勒魚出東南海中腹下之骨如鋸可勒故名出與石首同時海人以冰養之而鬻於諸郡謂之冰鮮見養魚經冬月出者名映雪魚乾者謂之勒鯊魚頭上有骨合之如鶴形稱為鯊鶴前人多賦咏焉

鱧初夏從海中沂流而上長尺餘腹下如刀項上細骨如鳥毛在肉中又有鳥腎二枚在腹立夏有白鳥似鷺暈飛謂之鱧鳥至仲夏鳥藏魚出變化所生也見異物

志

臣等謹案李時珍合鯀魚望魚鱮魚為一考鯀出  
江湖望魚出明都澤鱮魚出海未可牽合又集韻  
合鮚鱮為一亦非今各出之

鯀一名箭魚腹下有三角硬鱗如甲故廣州謂之三鰲  
之魚或以為即爾雅之鰲鱓也李時珍曰蜀人呼為瘟

魚畏而不食

攷蜀人二字楊慎異魚圖  
贊作界江而西今從本草

臣等謹案爾雅鰲鱓郭注未詳鄭樵以為即鰻鰲

也考古書皆作鰻鱺無作鰻鰵者惟稽神錄作鰵  
不足據也鰵魚既有三鰵之名又鰵鱺古音相通  
則以鰵為鰵鱺者近是

鰵魚一名鱗魚一名水豚又名鰵豚生江溪間巨口細  
鱗黃質黑章刺凡十二以應十二月有肚能嚼特異常  
魚夏月好藏石罅中人即而取之其斑文鮮明者雄也  
稍晦昧者雌也漁者以索貫一雄置之鷄畔羣雌來齧  
曳之不捨掣而取之常得十數尾

杜父魚一名渡父魚一名黃魴魚

魴音么

臨海志謂之伏

念魚古今注謂之童子魚吳興謂之鱸鯉狀如吹沙而短其尾岐見人則以喙插入泥中故又名船釘魚又養魚經云土附魚似黑鯉而短小附土而行故名

石斑魚一名石礬魚一名高魚生南方溪澗水石處長數寸白鱗黑斑浮游水面聞人聲則劃然深入南方異物志云高魚似鱒有雌無雄常以二三月與蜥蜴合於水上其胎毒人

石鮪生南方溪澗中或云生南海方山中長一寸背黑腹下赤南人以作鮓云甚美

黃鮪一名黃姑魚一名黃骨魚狀似白魚長不近尺濶不踰寸扁身細鱗李時珍曰魚腸肥曰鮪此魚腸腹多脂漁人煉取黃油燃燈甚腥也

鷺毛魚其細如針鹽藏為脍其味甚美郭義恭云小魚一斤千頭未之過也見北戶錄嶺表錄異曰捕魚者仲春望鰯魚兒來如陣雲遂檣船爭前迎之魚兒自驚跳

入船逡巡而滿以此為脰故名跳脰

臣等謹案李時珍曰鷺毛魚即鱖魚兒也或云即  
鱧魚苗俗名春魚與劉恂所謂鰯兒互異蓋鷺毛  
魚隨處有之鱖鱧及鰯之魚苗皆蒙此稱附記於  
此

金魚有鯉鯽鯪鱖四種鯪鯪難得獨金鯽耐久紅者名  
火魚白者名銀魚五色者名手巾魚

鮠一名鱖魚

鮠音  
癩

一名水底羊今人以作假河豚者也

鯢出休水狀如蟄蛙

盤音周

而長距足白而對食之無蟲

疾可以禦兵見山海經寇宗奭曰鯢魚形微似獺四足腹重墜如囊身微紫色無鱗與鮎鮓相類嘗剖視之中有小蟹小魚小石數枚也

臣等謹案李時珍云鯢魚一名人魚一名孩兒魚考山海經人魚郭注皆指鮓魚鮓魚者如小兒故名孩兒魚李氏以名鮓者名鯢誤矣今正之

竹夾魚似比目而肉堅身圓尾尖青黑一名土鱧見雨

航雜錄

鮪出江湖尾有兩歧如鞭鞘故名見陳藏器本草拾遺  
銷管魚似烏賊而小色紫興化府志謂之淨瓶魚

柔魚與烏賊相似而無骨越人重之

章魚一名章舉一名章拒一名章鋸形似烏賊而差大  
足長二三尺足上戢戢如釘每釘有竅其大者名石拒  
臨海異物志鱈似烏賊肥食甘美李時珍以為即章魚  
也



鯨似鰻魚而腹稍起扁額長喙口在頷下亦能噉魚

臣等謹案李時珍誤以鯨為鯨而石首反無鯨名  
皆與古戾今正之

金魚出功婆塞江腦中有麩金見博物志

臣等謹案金鯽魚亦名金魚與此同名異物李時  
珍誤合為一今正之

羊頭魚產四川雲陽縣巴鄉邨溪中頭似羊多肉少骨  
美於他魚見酉陽雜俎

螃螬傍海大魚也脊上有石應十二時一名籬頭溺其溺甚毒見酉陽雜俎

八梢魚長四五尺一首八身出朝鮮見事物紺珠

鮪似鯖魚蛇首白目有眈而肥其脂在目至八月而流出即不見人因八月蘆化澀水漲時歸海取之甚多見事物原始

花浪魚背青而腹白骨健而性剛游則成羣遇物則躍其味甚美見事物原始

寧魚色黃頭大將寸者尾尖無鱗立冬方出至清明身骨俱腐俗呼爛草索見事物原始

鱈色白如銀體圓口濶味鮮長尺餘骨肉俱爽若無鹽

制之久則成水留骨而已見事物原始

攷五音集類云鱈魚無骨與此

小異

黃脊魚脊黃而腹白骨細而多腦無膽而味美見事物

原始

鰈魚色赤頭尖口小口在腹下大者二三百斤其尾尖

長不滿尺而圓其脂可熬油而燃燈力能敵潮故又名  
鰾水端午水熱而來立秋水冷藏於大海見事物原始  
棘鬣魚其鬣剛如棘故呼棘鬣又其鬣赤亦呼赤鬣此  
魚味豐在首首味豐在眼莆人多葱酒蒸之以為珍味  
十月此魚得時正月以後則味拗不可食見宋志

短魚項縮而短為鯿極美色微紅見寧波府志

方頭魚似棘鬣而頭方味美或曰方疑作方言其頭為  
味芳香也見輿化府志

麥魚其形銳小如麥可愛出東流縣四十里上溪潭溯  
流至石人瀨下形漸大越此則化蜻蜓飛去見東流縣  
志

油魚出雲龍州油魚穴中秋則魚肥長僅二三寸十月  
望則絕見雲龍州志

馬鮫生東海一名馬交魚見廣志寧波府志曰馬鮫魚  
形似鱸其膚似鮠而黑斑一曰社交魚以其交社而生  
也事物原始謂擺錫鮫色白如錫其小者名青箭鳥獸

續考謂曬乾者曰溜魚

鸚鵡魚出龍門江穴中色青綠口曲而紅似鸚鵡嘴相傳此魚能化龍去見鳥獸考又北史云真臘國有浮胡魚八足狀如鯢嘴如鸚鵡亦斯類也

妾魚出博白縣南大荒山狀似人有翼臍下有帶長三尺白如練顧動光彩煥爛人雖見而取不得見鳥獸考臣等謹案鰩鱈亦名妾魚與此同名異物

鈎魚狀類鮫身少匾其脣甚長垂下數寸味皆在此見

鳥獸考

抱石魚出於山溪背偃而腹平其大如指常貼於石上  
土人取之為腊出建寧府見鳥獸續考

鶴魚出南蕃大海中頂上魷紅如血故名人以為帶號  
曰鶴頂紅見鳥獸續考

鱈身柔如膏無骨鱗細口潤齒多一作鱈海上人目人  
弱者曰鱈見雨航雜錄

鰻魚一名華臍其腹有帶如被子生附其上如科斗大

者如盤無鱗冬初始出者俗重之見雨航雜錄

閩胡一名彈塗如望潮而大如小鰕而短大者如人指  
長三五寸無鱗口潤而味肥頭有斑點如星潮退數千  
百跳躑泥塗中土人施小鉤取之

帶魚出閩中長丈餘無鱗而腥見五雜俎

化水魚生澄邁潭人取烹之化為水禱雨即應見五侯  
鯖

戴帽魚出安南國銳首無鱗有骨若插箭然味似河豚



見霏雪錄

楓葉魚出興化府乃楓葉落水所化見海物異名記  
黑隘魚大者如山金山神魚也每歲廟神誕日羣引海  
族來朝率午方退見湧幢小品

青郎魚形類海鯽而大一名擲磚硬鱗剛骨齒如鐵鋸  
嚼螺蛤成粉味極佳海濱人取蚶苗養於塘濼之間謂  
之蚶田惟忌青郎隨潮入田吞嚼殆盡見山堂肆考

墨頭魚出嘉州狀如鱣子頭黑如墨頭上有白子二枚

又名北斗魚二三月出漁人以火夜照之惟郭璞臺前乃有或名墨鱸見本草及異魚圖贊補

鬪魚大如指長二三寸花身紅尾善鬪人家盆盎多畜之呼為丁斑魚見陳懋仁泉南雜志彙苑詳註謂之花魚五雜組謂之錢片魚稗史謂之波師魚又謂之師婆魚

鮓出蜀江背鱗黑而膚理似玉蜀人以為鱠味極美見

彙苑詳註

沙綠魚魚之細者生隈瀨中狀若鮠大不五寸味甚美  
蜀人珍之見彙苑詳註

龍盤魚出桂林府興安龍蟠山巖潭中四足有角丹腹  
修尾狀似守管能致風雨見嶺表錄異

無腸魚出天台山寺池中相傳昔有僧治魚欲食人見  
者譏其釋家傷生僧輒放之池中而活至今相生如此  
見戒菴漫筆

欽定續通志卷一百七十九